



# COMUNU DE SOLÈMINIS

Provìntzia de sa Sardìnnia de bàsciu

Bia Crèsia 18, 09040 – Solèminis (SU – Sud Sardìnnia)  
Còdixi Fiscali (CF) 80005100922 - Partida Iva (PI) 01430300929

*Telèfunu: 070749901 - Fax: 070749050*

*Curreu eletrònicu: segreteria@comune.soleminis.su*

*Curreu Eletrònicu Certificau (PEC): protocollo.soleminis@pec.comunas.it*

## AVISU

### COVID DEXENOI (COVID 19) - CORONAVIRUS INFORMATZIONIS E NOAS

---

**Su Dexenoi de su Mesi de Ladàmini de su Duamilla-e-binti (19/10/2020) - Decretu de su Presidenti de su Consillu de is Ministrus (DPCM) de su Dexeotu de su Mesi de Ladàmini de su Duamilla-e-binti (18/10/2020) cun is mesuras po anca contenni sa spainadura epidemiulògica de su COVID 19.**

Is dispositzionis segundu su presenti DECRETU si àpricant a cumentzai de sa dii de su Dexenoi de su mesi de Ladàmini de su Duamilla-e-binti (19/10/2020) e funt bàlidas finas a sa dii de su Trexi de Totusantus de su Duamilla-e-binti (13/11/2020).

A sighiri un'arresùmmini de is mesuras de importu prus mannu previdias de su DPCM, bàlidas de sa dii de su Dexenoi de su mesi de Ladàmini de su Duamilla-e-binti (19/10/2020) a sa dii de su Trexi de Totusantus de su Duamilla-e-binti (13/11/2020).

- Is Sìndigus ant a podi disporri de nci serrai is arrugas e is pratzas anca sa genti andat a s'amuntonai, lassendi su permissu de intrai a sceti is chi depint furriai a domu o lompi a is atividadis comercialis.

## **BAR E RISTORANTIS**

- Sa serrada antizipada de bar e ristoranti abarrat a mesanoti, ma torrant a oberri sceti a is cincu.
- Po is bar, is pub e àterus localis est antizipau a is ses de meri su si depi firmai a bendi no a is mesas. Ma nci est unu lìmidi màssimu a su nùmeru de chini si-nci ollat setzi in d-una mesa: ses personas.
- Est fatu òbrigu po is meris de is localis de nci apicai a s'intrada unu cartellu cun su nùmeru màssimu de chini est amìtiu in su matessi tempus in su locali etotu.
- Est sèmpiri amìtia sa ristorazioni cun sa cunsènnia a is domu, arrespetendi is normas igiènicu-sanitàrias, comentu puru sa ristorazioni cun asportu finas a sa mesanoti, cun su divietu de su papai in su logu o in su bixinau.

## **FIERAS, SAGRAS**

- Stop a is sagras e a is fieras de su logu.

## **SCOLAS**

- Is scolas abarrant obertas. Is scolas superioris s'ant a adatai de prus ancora, cun is intradas a is noi oras e a fai letzioni puru a pustis pràngiu.

## **SPORT**

- S'atividadu sportiva praticada po spàssiu e s'atividadu formadora de incarreramentu a is sport anca si-nci atumbat apari funt amìtias in forma individuali sceti e no funt amìtias garas e cumpetizionis.
- Palestras e piscinas ant a tenni una scida de tempus po si-nci cunformai a is normas igiènicu-sanitàrias.

## **TRABALLU FATU IN DOMU CUN AINAS INFORMÀTICAS (“SMART WORKING”) IN SA PÙBRICA AMINISTRATZIONI (PA)**

- Su Dpcm imponit in prus a sa pùbrica aministratziuni de fai traballai is dipendentis in domu insoru cun ainas informàticas (“smart working”).
- Funt in prus suspèndias is riunionis e dònna atividadi de cunvènniu o de cungressu, bogadas cussas a distàntzia in videocunferèntzia.